

靈寶領教濟度金書卷之七十四 整

洞微高士開光教苦真人露金身授

靈寶通玄弘教水南先生林靈真編

科儀立成品生神開度齊用

催召儀

步虛 洒淨

上清靈寶玄壇炷香開啓九天溥度院守雄
抱雌追魂攝魄一行官吏主副二將護道監
壇將帥騎吏在時用事內外真靈伏以三寶
金書煥朔單之慧燭九霄玉笈駕澤壘之慈
航聿崇溥度之仙曹統制宰幽之主吏威權
風動號令雷轟毀鎖張門既羅敷於鶴教剋
時定令宜遵奉於龍符頃為齋主某開度亡
故某請命彤宸疏恩紫檢檄威靈而宣化提
真識以登真諒鑒丹忱恪昭玄應茲也猷獲
月淡斜漢雲澄天風傳寶鐸之音鬼關四闕
夜蒸舞神攝之影幽域均沾宜召攝以無違
俾務復而來赴載殫芥獻申聲藉誠法乘運
誠至心奉請

至心奉請九天溥度院三十六真人將軍仙

靈官吏

至心奉請九天溥度院守雄抱雌攝魄追魂

仙靈官吏

至心奉請九天溥度院神虎敵虎夜光倒玄

仙靈官吏

至心奉請本壇主副二元帥護道監壇將吏

兵馬

至心奉請城隍社令里域神祇虛空鑿察無

鞅神衆

向來奉請已沐來臨執事恭陳三獻

三獻

伏以取死壞離本真辰哉飛爽以精神致魂

魄妙矣玄機雖激切於愚衷藉扶持於聖造

排空御炁過黃泉碧落以宣符聖電奔雷極

鐵壘銅關而稟令无遠弗屆有碍皆通頃為

齋主某開度某既命玄班召神黑鬱攝陽光

之璀璨開陰暗之溟濛須體德音副茲悲悃

今則蘭湯告備芝饌森羅三天垂雨露之恩

九地切雲霓之望追攝提聚弘天政以承流

侍衛送迎救地祇而受事猶慮心榮萬業誠

造千愆或置對於東岱七十四司或結證於

北鄴三十六獄或墮山川之鬼穴或糜社令

之神司悉仗搜尋廣為搜括督關津而部衛

不得拘留戒道路以扶將毋容拒遏俾離冥

路即返故居朝連座而聽法聞經步騫林而

疑真證妙昭昭帝溘赫赫神威玄壇檄文謹

當宣示

宣催召牒

牒文敷露神聽昭明願聖武之布昭誕威靈

之廣運指揮獻演呼嘯山林風火无停勿稽

違於頃刻雷霆有赫期響應於斯須上天度

人具嚴青律敢有容隱東送雷霆一如

靈寶九天生神律令

向來

請神水召魂沐浴儀

步虛 上香長跪

具位巨姓某誠惶誠恐稽首頓首再拜上言

巨聞惠周生死三天主宰於神機思被幽明

九地涵濡於化篇重企提損之造游陳潔切

之忱今有齋主某開度某悉散虛无神歸家

廊扣天關而開地禁行離業山近陽景以淪
陰氣允資定水欲望宸慈宏覆睿澤旁敷分
八解之靈泉灌茲室化五靈之妙炁注彼
蘭湯容巨合景運神飛元會道俟召魂而來
格俾濯質以歸期功德水无量无邊根塵淨
洗智慧光无窮无極宿垢開明長辭五濁之
泥永度三清之岸仰祈玄造俯鑒丹衷且下
情无任俟命之至

捧水五念

天河灌東井 石景水母精 圓光拂靈耀
玄輝映高明 元始披長夜 天人逐月生
沐浴蘭池上 龍負長庚觥 金童散香花
玉女流五星 冠帶濯王津 鍊度生仙形
體香萬神降 乘景登高明

天可崔木天尊

引導詣浴室前以水分入浴室中

九霄梵炁流精鬱勃以輝輝三景靈芒耀彩
玲瓏而璨粲芳雲飛煥甘露凝祥宛同東井
之華池可灌北都之暗識伏望九鳳破鐵使
者玄壇浣濯靈官各體慈悲密垂蔭映俟沐

浴於靈臺為滌雪於暗塵發越神光湛靈源
而無漏返還祖炁疏覺海以高澄稽首皈依
无極大道

洒道詣鬼門上立召魂

冷冷甘露滋 法味難思議 馨香流七真

冥冥何生疑 受此法食者 生天登紫微

童子執幡

伏以慈風駕道岸之身陽光高映昏霧鼓迷

津之棹陰翳低濛嘆夜空之寥寥驚寒庭之

寂寂金符飛煥御三界以召神鐵墨開張麻

九幽而度命是夜奉為齊主其開度亡故共

載歌玄梵膺攝真儀毀鎖張門已稟追提之

命開闢路路諒彈侍衛之勤靈幡蕩漾於金

波寶鐸丁當於玉籟漸澀疎林之影依佈遠

岫之聲感此彷徨乘景輝而奔赴從茲解脫

汎仙景以高飛恭依玄科用吟寶偈

玉京降旨下瑤臺 童子傳言地獄開

業海愛河皆息浪 雙湯爐炭化寒灰

真符告下羅鄴去 陰府迎將淨魄來

觀聽法音消罪戾 永辭苦海出輪迴

和不可思議功德

伏以役雌雄之吏微微開幽歌陰陽之章昭
昭破暗夜悉凄清而風悲雲淡靈光隱約而
斗轉參橫非有非無若幽寥而莫測惟影惟
響宜溟漠之潛通攝召秘章謹當宣誦

太微迴黃旗 無英命靈播 攝召長夜府

開度受生魂和不可思議功德

歌陽斗章

陰陽推運考劫數更遷生死周流考孰愚孰

賢輪轉無窮考上元造化未出三界考拘於

神變魁魁東斗考懸懸西轉魁向南辰考懸

魁北面陰靈陰靈兮茫茫沒沒陽魂陽魂兮

碌碌幽幽天地明兮萬鬼潛天地動兮萬鬼

奕天地靈兮萬鬼長陰陽運兮神鬼享太一

召汝何遲遲先至後至律有常感此彷徨附

我稽賜汝靈書歸上清急急如

太一玄冥夫人律令攝

初召

志心召請九天溥度院三十六真人三十六
將軍惟願以慈悲心引領亡魂今夜令時復

舊還形

志心奉請亡故某人惟願仰承道寶力今夜今時來附華幡和受茲開度功德

歌陰斗章

五行所造兮復歸於五行四大假合兮還歸於太空或陰或陽兮任天地之根宗天地明兮萬鬼滄天地動兮萬鬼奠天地靈兮萬鬼長陰陽運兮鬼神享天一北祚召汝魂太一紫元攝汝靈冥海冥波冥昧神不問八極鬼與精感此彷徨附我幡賜汝靈書歸上清急急如太一玄冥夫人律令攝

再召

志心召請九天溥度院守雄抱雌二大將追魂攝魄二將軍惟願以方便心引領亡魂今夜今時復舊還形

志心奉請亡故某人惟願仰承經寶力今夜今時來附華幡和受茲開度功德

歌斗章

胎光真靈幽精三魂皈空皈真天地正真炁再使汝成形此是五行造化精無藏無避無

逃形一呼速至現真形感此彷徨附我幡賜汝靈書歸上清急急如太一玄冥夫人律令攝

三召

志心召請九天溥度院神虎敵虎二大將夜光倒玄二五女惟願以利濟心引領亡魂今夜今時復舊還形

志心奉請亡故某人惟願仰承師寶力今夜今時來附靈幡和受茲開度功德

切以徹洞章而三歎魂可歸來提華幡於九招靈真位止仰若雲層之虛煥幸離風澤之悽迷猶慮五族六親繫死生之愛網三世四負竊今古之冤輪追逐莫休超凌有礙期晉提於幽路俾均入於法門重演靈章庸伸邀召

太陰冥冥黑波重 中有羅酆六天官

萬鬼成群痛哀泣 悲惱毒烈大惡崇

无上洞音徹九地 飄飄吹下慈悲風

吹向冤苦召億魂 隨音奔赴寶壇中

志心召請亡故某身前身後劫始劫終宗祖

姻親仇讎冤對一切男女等衆惟願仰承三寶力亡故某乘三華之照耀出九壘之濃深夜月茫茫休歎人門无路朝陽燦燦從今帝所有皆宜認靈幡來歸寶地爰念陰氛之未脫盍憑神水以蕩除新舊冤仇親疎眷屬宜朋分於左右悉祿進於壇場先詣蘭湯潔身沐德次趨楓陛聽法聞經法兼運誠慈悲接引

慈悲接引天尊

引諸到浴室前

伏以陽精陰粹本清淨以无塵地魄天魂皎沉淪而有滌非伏黃華之蕩滌局今素質以輕清灌五香而實芝自生玄雲箭萬流七珍而芳霽有輝霏霧困輪飄飄飛銀漢之英湛湛動結璘之影金童洒景玉女致靈伏願靈儀從容沐浴

以攝入浴室中

焚符

天添澄清五色高明日月吐輝濯鍊身形神津內盥香湯鍊精光景洞耀煥映上清

炁不受塵 五府納靈 罪滅三塗 禍消九冥
身得開度 升入帝庭

法雨涼潤天尊

切惟亡故衆魂中官外府百散灌鍊於雲泉
上衣下裳五體裝嚴於霞袂惟幽關之久鬱
豈華飾之獨存幸藉天恩復起地暗盍更新
於服御庶捨舊之儀容八景含華織麗並空
中之環珮六鍊應妙輕盈儼天上之神仙稱
性自然隨心具足伏謝靈儀從容更衣

焚化衣符

金精哈鍊 散炁玄黃 丹池沐浴 眞炁紛芳
二景冠帶 天為隱藏 左振玉珮 右策金璫
洗除諸穢 遊行紫房

金容出世天尊

移禧出浴室前

亡故某濯靈源而精神澄湛披羽服而容止
端嚴本來之面目回靈既往之頭顱改觀千
齡寬望一旦天開星河四垂玉兔轉宵中之
象輝芒萬道銅鳥催簾外之班宜戴附於華
潘庸肆朝於繡宸服身伏地稽首瞻天法衆

運誠慈悲接引

慈悲接引天尊

引禧至大道前

伏以仰豹關之清峻夾夾靈光瞻獅座之崇
嚴巍巍祖炁環列九霄而拱極遙承三寶以
朝宗均掄翠華齊登珠黍既荷陶鎔之德盍
伸款謁之恭亡故某夙植良因幸依正化雜
寒庭之冥昧宿垢風清還性海之虛靈生根
月瑩行鍊形於朱霍即穩步於玄虛允戴龍
光敢忘虎拜殫勤奉而皈命極頂踵以投誠
齋主上香引魂朝禮

三禮

亡故某身沐洋洋之帝澤不亦樂乎不亦悅
乎心瞻穆穆之天顏予其潔也予其進也實
千齡之慶幸欣一旦之遭逢結草志堅已參
禮於壇陛傾葵情罄宜宴息於几筵法衆運
誠慈悲接引

慈悲接引天尊

伏以蕪露凄涼九死魂迷於陰地祥煙曠郁
千生炁返於陽天惟紫宸垂提援之仁陰鬱

拯迷迎之力亡故某具機不昧妄識俱空離
幽夜而沐性蘭湯隨陽光而朝神蓮座嘉拜
帝真之既允資霄極之恩請駐容儀伺陳真
獻領齋功而度命佩玄籙以登真稽首皈依
无極大道志心稱念廣度沉淪天尊和不可
思議功德

靈寶領教濟度金書卷之七十四